

*«Ўзбекнефтгаз» МХК  
акциядорларнинг йиллик умумий  
йиғилишининг 04.11.2016й. 2-сонли  
баённомасига 7-илова*

**«ТАСДИҚЛАНГАН»  
«Ўзбекнефтгаз» МХК  
акциядорларнинг йиллик умумий  
йиғилишининг 2016 йил 4 ноябрдаги  
қарори билан**

**«ЎЗБЕКНЕФТГАЗ» МИЛЛИЙ ХОЛДИНГ  
КОМПАНИЯСИ АКЦИЯДОРЛИК ЖАМИЯТИ  
ТАФТИШ КОМИССИЯСИ ТЎҒРИСИДАГИ  
НИЗОМ**

**(янги тахрирда)**

**Тошкент - 2016 йил**

## **I - бўлим.**

### **Умумий қоидалар**

1.1. Ушбу низом Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги қонунига, Акциядорлик жамиятлари фаолиятининг самарадорлигини ошириш ва корпоратив бошқарув тизимини такомиллаштириш комиссияси йиғилишининг баённомаси билан (11.02.2016й. № 02-02/1-187) тасдиқланган Корпоратив бошқарув кодексининг тавсияларига ва «Ўзбекнефтгаз» МХК (мант бўйича Компания) уставига мувофиқ ишлаб чиқилган ҳамда Компаниянинг тафтиш комиссияси мақомини, функцияларини, ваколатларини, мажбуриятларини, унинг аъзоларини сайлаш ва уларни ишлаш тартибини белгилаб беради.

## **II - бўлим.**

### **Тафтиш комиссиясининг ҳуқуқий мақоми**

2.1. Тафтиш комиссия Компаниянинг органи ҳисобланиб, Компания, унинг бўлинмалар ва хизматлар, филиаллар ва ваколатхоналар фаолияти устидан ички молия-хўжалик ва ҳуқуқий назорат қилиш функцияларини амалга оширади.

2.2. Тафтиш комиссия ўз фаолиятида давонида Ўзбекистон Республикаси қонун ҳужжатларига, давлат бошқаруви органларининг қонуности ҳужжатларига, Компания уставига, мазкур низомга ва Компаниянинг бошқа ҳужжатларига амал қилади.

2.3. Тафтиш комиссия аъзоси молия хўжалик фаолияти ва бухгалтерия ҳисобини таҳлил қилиш масалаларда етарли билим савияга, тафтиш иши усулларига эга бўлган шахс бўлиши мумкин.

## **III - бўлим.**

### **Тафтиш комиссиянинг аъзоларини сайлаш ва уларнинг ваколатларини тугатиш**

3.1. Тафтиш комиссия аъзолигига номзодлар бўйича таклифлар киритиш, ушбу таклифларни кўриб чиқиш ва улар бўйича Бошқарувчилар кенгаши томонидан қарорлар қабул қилиш тартиби Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги қонунининг 63 ва 65 моддаларига ва Компанияуставига мувофиқ амалга оширилади.

3.2. Тафтиш комиссияга номзодлар киритиш таклифи ёзма равишда Компаниянинг манзилига почта орқали юборилади ёки Компания девонхонасига топширилади. Таклиф киритилган сана почта орқали юборилган санаси ёки Компания девонхонасига топширилган санаси бўйича аниқланади.

Таклиф акциядор ёки унинг вакили томонидан имзоланади, вакил томонидан имзоланган ҳолларда вакилнинг ишончномаси илова қилиниши шарт.

Агар ташаббус юридик шахс - акциядор томонидан чиққан бўлса юридик шахс вакилининг имзоси (юридик шахснинг уставига асосан ишончномасиз ҳаракат қилиш ҳуқуқига эга бўлган вакил) юридик шахснинг муҳри билан тасдиқланиши шарт. Агар таклиф юридик шахснинг номидан ишончнома асосида

ҳаракат қилаётган вакил томонидан имзоланган бўлса таклифга ишончнома илова қилиниши шарт.

3.3. Тафтиш комиссияси уч кишидан иборат бир йил муддатга акциядорлар умумий йиғилиши томонидан Компаниянинг овоз берувчи акциялари эгалари бўлган, йиғилишда иштирок этаётган акциядорларнинг кўпчилик (оддий кўпчилик) овози билан сайланади. Тафтиш комиссиясининг аъзолари бир вақтнинг ўзида Компания Бошқарувчилар кенгашининг аъзоси бўлиши, шунингдек Компанияда меҳнат шартномаси (контракт) бўйича ишлаши мумкин эмас. Тафтиш комиссия сайлови ҳар бир номзод бўйича алоҳида овоз бериш йўли билан амалга оширилади. Айни бир шахс Компаниянинг тафтиш комиссияси таркибига кетма-кет уч мартадан ортиқ сайланиши мумкин эмас.

3.4. Тафтиш комиссияси ўз таркибидан тафтиш комиссиясининг раисини ва котибини сайлайди. Тафтиш комиссиясининг раиси ва котиби тафтиш комиссиясига сайланган шахслар ичидан тафтиш комиссия аъзоларининг кўпчилик овоз билан сайланадилар.

Тафтиш комиссияси ўзи хоҳлаган пайтда раисни ва котибни тафтиш комиссиясига сайланган шахслар ичидан тафтиш комиссия аъзоларининг кўпчилик овоз билан қайта сайлашга ҳақли, тафтиш комиссия аъзоларининг чиқиб кетган овозлари бундан мустасно.

3.5. Тафтиш комиссиясининг аъзоси ўз хоҳишига кўра истаган пайтида, тафтиш комиссияда ўз фаолиятини тўхтатиш кунидан бир ой олдин Компания тафтиш комиссияси ва Бошқарувчилар кенгашини огохлантирган ҳолда тафтиш комиссия тақибидан чиқишга ҳақли. Бу ҳолда акциядорлар умумий йиғилиши ўзининг яқин орадаги йиғилишида тафтиш комиссия аъзосини алмаштиради.

3.6. Агар тафтиш комиссия аъзоси тугатиш комиссияси таркибига кирса, Бошқарувчилар кенгаши ёки Бошқарув аъзолигига сайланган (тайинланган) ёхуд Компанияда меҳнат шартномаси (контракт) бўйича ишлашни бошлаган бўлса, унда ушбу шахс тафтиш комиссиясида ўз фаолиятини тўхтатиши лозим. Бу ҳолда акциядорлар умумий йиғилиши ўзининг яқин орадаги йиғилишида тафтиш комиссия аъзосини алмаштиради.

3.7. Тафтиш комиссия аъзоси ёки барча аъзоларининг ваколатлари акциядорларнинг умумий йиғилиши томонидан Компаниянинг овоз берувчи акциялари эгалари бўлган, йиғилишда иштирок этаётган акциядорларнинг кўпчилик (оддий кўпчилик) овози билан қуйидаги ҳолатларда муддатидан илгари тугатилиши мумкин:

3.7.1. узурли сабабсиз тафтиш комиссиясининг ишида уч мартадан ортиқ қатнашмаслиги;

3.7.2. текшириш ўтказилганда тафтиш комиссияси аъзолари (аъзоси) текширишга алоқадор бўлган мавзугатегишли барча ҳужжатлар ва материалларни лозим даражада ўрганмаганлиги оқибатида Компания тафтиш комиссиясининг нотўғри ҳулосалари берилганлиги;

3.7.3. тафтиш комиссиясининг айрим аъзолари ёки барча аъзолари томонидан мазкур низомнинг 4.3. банди талабларини бажармаганлиги;

3.7.4. тафтиш комиссия аъзоларининг бошқа хатти-ҳаракатлари (ҳаракатсизлиги) туфайли Компанияга салбий оқибатлар олиб келганлиги.

3.8. Тафтиш комиссия аъзоларининг сони Компания уставида кўрсатилган миқдорнинг яримидан кам бўлиб қолса Компания Бошқарувчилар кенгаши тафтиш комиссиясининг янги таркибини сайлаш учун акциядорларнинг навбатдан ташқари умумий йиғилишини чақириши шарт.

Тафтиш комиссиясининг ваколатлари муддатидан илгари тугатилган тақдирда янги сайланган тафтиш комиссия аъзоларининг ваколатлари кейинги акциядорларнинг йиллик умумий йиғилишида тафтиш комиссияси сайлангунига қадар амал қилади.

3.9. Агар акциядорларнинг навбатдан ташқари умумий йиғилиши тафтиш комиссия аъзоларининг барчасининг ёки айрим аъзоларининг ваколатларини муддатидан илгари тугатиш тўғрисида қарор қабул қилса ва бунинг натижасида тафтиш комиссияси аъзоларининг сони сайланган миқдоридан яримидан кам бўлиб қолса, ушбу қарор қабул қилинган кундан уч иш куни ичида Бошқарувчилар кенгаши тафтиш комиссиясини янги таркибини сайлаш бўйича акциядорларнинг навбатдан ташқари умумий йиғилишини чақириш тўғрисида қарор қабул қилиши шарт.

#### **IV - бўлим.**

#### **Тафтиш комиссиянинг функциялари ва мажбуриятлари**

4.1. Компаниянинг молия-хўжалик фаолиятини текшириш (тафтиш ўтказиш) тафтиш комиссиясининг, акциядорлар умумий йиғилишининг, Компания Бошқарувчилар кенгашининг ташаббусига кўра ёки Компания овоз берувчи акцияларининг камида беш фоизига эгаллик қилувчи акциядорнинг (акциядорларнинг) талабига кўра Компания Бошқарувчилар кенгашини олдиндан хабардор қилиш йўли билан бир йиллик ёки бошқа давр ичидаги фаолият яқунлари бўйича амалга оширилади.

4.2. Ўз функцияларини бажариш пайтида тафтиш комиссияси қуйидаги турдаги ишларни амалга оширади:

4.2.1. Компаниянинг молиявий хўжалик ҳужжатларини, мол-мулкни инвентарлаш бўйича комиссиянинг хулосаларини текшириш, кўрсатилган ҳужжатларни бирламчи бухгалтерия ҳисоби маълумотлари билан таққослаш;

4.2.2. Компания номидан тузилган шартномалар, амалга оширилган битимлар, контрагентлар билан ҳисоб-китобларнинг қонун ҳужжатларига мувофиқлигини текшириш;

4.2.3. юритилаётган бухгалтерия ва статистика ҳисобининг амалдаги меъёрий ҳужжатларга мувофиқлигини таҳлил қилиш;

4.2.4. молиявий хўжалик ва ишлаб чиқариш фаолияти ўрнатилган нормативлар, қоидалар ва бошқаларга мувофиқлигини текшириш;

4.2.5. Компаниянинг молиявий ҳолатини, унинг тўловга қобиллигини, активларнинг ликвидлигини, ўз ва қарз маблағлари нисбатини таҳлил қилиш, Компаниянинг иқтисодий ҳолатини яхшилаш учун захираларни аниқлаш ва Компания бошқарув органларига молия-хўжалик фаолияти масалалари бўйича тавсиялар ишлаб чиқиш;

4.2.6. фойда ва зарар ҳисобларни таҳлил қилиш ва уларни тўғри тақсимланиши;

4.2.7. маҳсулот ва хизматлар етказиб берувчиларга, бюджетга тўловлар, облигациялар бўйича фоизлар, акциялар бўйича дивидендлар ва иш ҳақи ҳисобланиши ҳамда тўланиши, бошқа мажбуриятлар сўндирилиши ўз вақтида ва тўғри амалга оширилаётганини текшириш;

4.2.8. солиқ инспекцияси, статистика органлари, давлат бошқарув органларига топшириладиган Компания бухгалтерия баланслари, йиллик ҳисобот, фойда ва зарар ҳисоби, фойдани тақсимлаш, бошқа ҳисобот ҳужжатлари тўғри тузилганлигини текшириш;

4.2.9. Бошқарув томонидан қабул қилинган қарорларни ҳаққўнийлигини текшириш, улар Компания уставига, Компания Бошқаруви тўғрисидаги низомга ва акциядорлар умумий йиғилиши қарорларига мувофиқлиги;

4.2.10. акциядорлар умумий йиғилиши қарорларини таҳлил қилиш ва Ўзбекистон Республикаси қонун ҳужжатлари ва бошқа меъёрий актларига тўғри келмаган ҳолларда уларни ўзгартириш бўйича таклифлар киритиш;

4.2.11. Компаниянинг раҳбарлик қилувчи органларга киритилган акциядорларнинг аризалари билан ишлашни текшириш;

4.2.12. қимматли қоғозлар бозори ва акциядорлик жамиятларига оид қонунчилик талабларига Компания томонидан риоя қилинишини текшириш;

4.2.13. Компания устави билан тафтиш комиссия ваколатига кирадиган бошқа ишларни бажариш, шу жумладан акциядорлар умумий йиғилиши ва Бошқарувчилар кенгашининг топшириғи бўйича.

4.3. Тафтиш комиссияси қуйидагиларга мажбур:

4.3.1. акциядорлар умумий йиғилиши, Бошқарувчилар кенгаши, Бошқарувни эътиборига амалга оширилган тафтиш ва текширишлар натижаларини Компания бошқарув органлари мажлисларида хулосалар, ёзма ҳисоботлар, билдиришномалар, ахборотлар шаклида ўз вақтида етказиш;

4.3.2. Компаниянинг йиллик ҳисоботи ва йиллик бухгалтерия ҳисоботидаги маълумотлар ишончилиги бўйича баҳо бериш;

4.3.3. Компаниянинг молиявий ҳолатига таъсир этувчи хавф-хатар ва бошқа вазиятлар олдида Компания заифлигига баҳо бериш;

4.3.4. Компаниянинг молия-хўжалик фаолиятини йил якуни бўйича ёки бошқа давр учун қонунчилик, Компания устави ва мазкур низомга мувофиқ шахслар ташаббусига кўра тафтиш ўтказиш;

4.3.5. тижорат сирини сақлаш, ўз функцияларини бажаришлари пайтида тафтиш комиссияси аъзолари конфиденциал маълумотларга эга бўлганда, ушбу маълумотларни ошкора қилмаслик. Агар тафтиш комиссияси ишига эксперт сифатида тафтиш комиссия аъзоси бўлмаган шахслар жалб қилинса, улар тижорат сирини сақлаш лозимлиги ҳақида огоҳлантирилиши керак. Уларнинг хати-харакатлари бўйича жавобгарлик текширишга жалб қилган тафтиш комиссия аъзоларининг зиммасида бўлади;

4.3.6. Компаниянинг бошқарув органлари ва мансабдор шахсларининг ҳаракатлари устидан акциядорларнинг аризаларини ўз вақтида қўриб чиқиш ва улар бўйича тегишли чоралар кўриш;

4.3.7. ишлаб чиқариш хўжалик, молиявий, ҳуқуқий фаолиятда қонун бузилиш ҳолатлари аниқланганда ёки Компания манфаатларига хавф хатар пайдо

бўлишида Компанининг бошқарув органларининг қарорлари талаб қилинганда Бошқарувчилар кенгашининг мажлисларини, навбатдан ташқари акциядорлар умумий йиғилишини чақирилишини талаб қилиш.

4.4. Текшириш предмети бўлган барча ҳужжатлар ва материаллар тафтиш комиссия аъзолари томонидан текшириш ўтказилганда синчиклаб ўрганиб чиқилиши лозим. Тафтиш комиссия аъзолари нотўғри хулосалар берганлиги учун жавобгар бўлади, ва ушбу жавобгарлик меъёри акциядорлар умумий йиғилиши ва амалдаги Ўзбекистон Республикаси қонунчилигида белгиланади.

4.5. Тафтиш комиссия аъзолари акциядорлар умумий йиғилишида қатнашиши ва йиғилиш қатнашчиларининг саволларига ўз ваколат доирасида жавоб беришга мажбур.

## **V - бўлим.**

### **Тафтиш комиссиянинг ҳуқуқлари ва ваколатлари**

5.1. Тафтиш комиссияси ўз функцияларини тегишлича бажариш мақсадида қуйидаги ҳуқуқларга (ваколатларга) эгадир:

5.1.1. Компаниянинг ҳар қандай молиявий ҳужжатларини текшириш, шу жумладан Компанияни инвентаризациялаш бўйича комиссия ҳужжатларини, кўрсатилган ҳужжатларни бирламчи бухгалтерия ҳисоби маълумотлари билан таққослаш;

5.1.2. Компаниянинг бошқарув органларидан, унинг бўлинмалари ва хизматларидан, мансабдор шахсларидан ўз иши учун зарур бўлган ҳужжатларни талаб қилиш ва олиш. Кўрсатилган ҳужжатлар ва материаллар тафтиш комиссиясига унинг ёзма сўровига асосан уч кун ичида тақдим этилиши керак;

5.1.3. тафтиш комиссияишлаб чиқариш-хўжалик, молиявий, ҳуқуқий фаолиятда қонунбузарликлар аниқланган ёки Компания манфаатларига таҳдид пайдо бўлган ҳолатларда акциядорлар умумий йиғилишини, Бошқарувчилар кенгаши ва Бошқарувни мажлисларини чақиришни талаб қилиш;

5.1.4. Бошқарувчилар кенгаши мажлисларини чақиришни талаб қилиш. Бошқарувчилар кенгаши раиси Бошқарувчилар кенгаши мажлисини тафтиш комиссиясининг талаби бўйича чақирилганда рад этишга ҳақли эмас;

5.1.5. Бошқарувчилар кенгаши мажлисларида қатнашиш, унинг бирон бир аъзоларини таклифига кўра;

5.1.6. Компаниянинг бошқарув органлари, унинг бўлинмалари ва хизматлари олдида, Компаниянинг амалдаги низомлари, қоидалари ва йўриқномаларини бузган тақдирда Компания ходимлари, шу жумладан мансабдор шахсларнинг жавобгарлиги тўғрисидаги масалани қўйиш;

5.1.7. қонун ҳужжатлари ва Компания уставига асосан бошқа ҳуқуқларга (ваколатларга) ҳам эга.

5.2. Тафтиш комиссия аъзолари:

5.2.1. аниқланган қонунбузилиш ҳолати бўйича тафтиш комиссиясининг кечиктириб бўлмайдиган қарори талаб этилган тақдирда тафтиш комиссиясини шошилинч мажлисини чақиришга;

5.2.2. тафтиш комиссия хулосалари бўйича ўз этирозларини ёзма равишда билдириш ва бу ҳақда акциядолар умумий йиғилиши эътиборига етказишга ҳақли.

## VI - бўлим.

### Тафтиш комиссиянинг йиғилишлари. Текширув (тафтиш) ўтказиш тартиби

6.1. Тафтиш комиссияси ўз мажлисларида барча масалаларни ҳал этади. Тафтиш комиссияси мажлислари тасдиқланган режа бўйича, шунингдек текширув ёки тафтиш бошланиши олдида ва уларнинг натижалари бўйича ўтказилади. Тафтиш комиссиясининг шошилини қарори талаб этиладиган қонунбузарликлар аниқланган тақдирда тафтиш комиссияси аъзоси комиссиянинг мажлисини зудлик билан чақиришни талаб қилиши мумкин.

6.2. Тафтиш комиссия мажлиси агар унда аъзоларнинг камида учдан икки қисми иштирок этса ваколатли деб ҳисобланади. Тафтиш комиссия мажлисларини сирдан овоз бериш йўли билан ўтказишга йўл қўйилмайди.

6.3. Тафтиш комиссиясининг ҳар бир аъзоси битта овозга эгадир. Тафтиш комиссиясининг далолатномалари ва хулосалари мажлисда қатнашаётган тафтиш комиссия аъзоларнинг оддий кўпчилик овози билан тасдиқланади. Овозлар тенг бўлганда тафтиш комиссияси раисининг овози ҳал қилувчи ҳисобланади.

Тафтиш комиссияси аъзолари комиссия қарорига рози бўлмаганларида мажлис баённомасида алоҳида фикрларини қайд эттиришга ва уларни Бошқарувчилар кенгаши ва акциядорлар умумий йиғилиши эътиборига етказишга ҳақлидирлар.

6.4. Тафтиш комиссия ўз таркибидан раис ва котибни сайлайди. Тафтиш комиссия раиси:

6.4.1. тафтиш комиссия мажлисларини чақиради ва ўтказди;

6.4.2. тафтиш комиссиясининг кундалик ишини ташкиллаштиради;

6.4.3. Бошқарувнинг, Бошқарувчилар кенгашининг мажлисларида ва акциядорларнинг умумий йиғилишларида тафтиш комиссиясини ифодалайди;

6.4.4. тафтиш комиссияси номидан чиқиш ҳужжатларни имзолайди.

6.5. Тафтиш комиссияси раиси бўлмаган тақдирда унинг функцияларини мажлисда қатнашаётган аъзоларнинг кўпчилик овоз билан қабул қилинган қарорга мувофиқ тафтиш комиссияси аъзоларидан бири бажаради.

6.6. Тафтиш комиссиясининг котиби:

6.6.1. мажлис баённомалари юритилишини ташкиллаштиради;

6.6.2. тафтиш комиссиясининг далолатномаларини ва хулосаларини олувчиларга етказди ва уларни Компания архивига топширади.

6.7. Компаниянинг молия-хўжалик фаолиятини текшириш бир йиллик фаолият яқунлари бўйича амалга оширилади.

6.8. Компаниянинг йиллик ҳисоботида киритилган ва йиллик бухгалтерия балансида акс этирилган маълумотлар ҳаққонийлигини тасдиқловчи ёки рад этувчи хулоса ҳамда Компаниянинг молия-хўжалик фаолиятини текшириш (тафтиш ўтказиш) бўйича тафтиш комиссиясини ҳисоботи, Компаниянинг йиллик ҳисоботи дастлаб тасдиқланиши тўғрисидаги Бошқарувчилар кенгашининг мажлиси ўтказилиши кунига қадар уч кун олдин тафтиш комиссияси томонидан Бошқарувчилар кенгашигатақдим этилиши лозим.

6.9. Компаниянинг молия-хўжалик фаолиятини режадан ташқари текшириш (тафтиш ўтказиш) қуйидаги ҳолатларда амалга оширилади:

6.9.1. акциядорлар умумий йиғилишининг қарорига асосан;

6.9.2. Бошқарувчилар кенгашининг қарорига асосан;

6.9.3. Компаниянинг беш фоизидан кам бўлмаган овоз берувчи акцияларига эга акциядорнинг (акциядорларнинг) талабига кўра;

6.9.4. тафтиш комиссиясининг ўз ташаббусига кўра.

6.10. Режадан ташқари текшириш (тафтиш) ўтказиш тўғрисидаги қарор акциядорларнинг умумий йиғилиши томонидан Компаниянинг овоз берувчи акциялари эгалари бўлган, йиғилишда иштирок этаётган акциядорларнинг кўпчилик (оддий кўпчилик) овози билан қабул қилинади. Тафтиш комиссияси акциядорлар умумий йиғилишининг тегишли баённомасини олгандан сўнг текширишни бошлайди.

6.11. Режадан ташқари текшириш (тафтиш) ўтказиш тўғрисидаги қарор Бошқарувчилар кенгаши томонидан мажлисда қатнашаётган аъзоларининг кўпчилик овози билан, сиртдан овоз бериш ҳолатларида Бошқарувчилар кенгашининг барча аъзолари томонидан бир овоздан қабул қилинади. Ушбу қарорни қабул қилишга овоз берган барча Бошқарувчилар кенгашининг аъзолари томонидан қарор имзоланади ва тафтиш комиссия раисига юборилади.

6.12. Қонунбузарлик ҳолати аниқланган тақдирда тафтиш комиссия аъзоси, тафтиш комиссия қарори талаб этиладиган, аниқланган қонунбузилиш ҳолатини таърифлаган ҳолда ёзма равишда тафтиш комиссия раисига юборади.

Тафтиш комиссия раиси талабномани олгандан сўнг уч иш кунида тафтиш комиссия мажлисини чақириши шарт.

Тафтиш комиссия томонидан текшириш (тафтиш) ўтказиш тўғрисида қарор қабул қилинган тақдирда тафтиш комиссия раиси текшириш (тафтиш) ўтказишни ташкиллаштиради ва уни ўтказишни бошлайди.

6.13. Режадан ташқари текшириш (тафтиш) ўтказиш тўғрисидаги талабни Компания акциядорлари томонидан киритиш:

6.13.1. Текшириш (тафтиш) ўтказиш бўйича ташаббускор – акциядорлар тафтиш комиссияга қуйидагиларни ўз ичига олган ёзма талабнома юборади:

- акциядорнинг Ф.И.Ш. ёки номи;

- уларга тегишли акциялар ҳақида маълумотлар (сони ва тури);

- ушбу талабноманинг асосланган далилини.

Талабнома акциядор ёки унинг вакили томонидан имзоланади. Талабнома вакил томонидан имзоланган ҳолларда вакилнинг ишончномаси илова қилиниши шарт.

Агар ташаббус юридик шахс - акциядор томонидан чиққан бўлса юридик шахс вакилининг имзоси (юридик шахснинг уставига асосан ишончномасиз ҳаракат қилиш ҳуқуқига эга бўлган вакил) юридик шахснинг муҳри билан тасдиқланиши шарт. Агар талабнома юридик шахснинг номидан ишончнома асосида ҳаракат қилаётган вакил томонидан имзоланган бўлса талабномага ишончнома илова қилиниши шарт.



6.13.2. Текшириш (тафтиш) ўтказиш талабномаси тафтиш комиссия раиси номига Компания манзили бўйича почта орқали (топширилганлиги тўғрисидаги тасдиқловчи ҳужжат билан) ёки Компания девонхонасига топширилади.

Талабнома тақдим қилинган сана уни Компанияга топширилган санаси ёки Компания девонхонасига топширилган санаси ҳисобланади.

6.13.3. Талабнома тақдим қилинган кундан ўн иш куни ичида Компаниянинг молия-хўжалик фаолиятини режадан ташқари текшириш (тафтиш) ўтказиш тўғрисидаги тафтиш комиссиясининг қарори қабул қилиниши ёки тафтиш ўтказилишига рад жавоби берилиши лозим.

6.13.4. Текшириш (тафтиш) ўтказилишига тафтиш комиссиясининг рад жавоби қуйидаги ҳолларда берилиши мумкин:

- талабнома тақдим этган акциядор (акциядорлар) талабнома тақдим этилган санага зарур бўлган овоз берувчи акциялар сонига эга бўлмаса;

- талабнома тақдим этилган санага талабнома тақдим этиш ташаббуси билан чиқаётган шахслар акциядорлар реестрида рўйхатга олинмаган бўлса ёки тегишли акциядорларнинг вакиллик ваколатларига эга бўлмаса;

- талабномада текшириш (тафтиш) ўтказилиши сабаби кўрсатилмаган бўлса;

- текшириш (тафтиш) ўтказилишига асос бўлган фактлар бўйича текшириш (тафтиш) ўтказилган ва тафтиш комиссия томонидан ушбу ҳолатлар бўйича ҳулоса тасдиқланаган бўлса;

- талабномада маълумотлар тўлиқ кўрсатилмаган бўлса;

- талабнома Ўзбекистон Республикаси қонунчилиги ва норматив-меъёрий ҳужжатларига ёки Компания уставига мувофиқ бўлмаса.

6.14. Текшириш предметига тааллуқли барча мавжуд бўлган ва олинган ҳужжатлар ҳамда материаллар тафтиш комиссия томонидан текшириш (тафтиш) ўтказилаётганда ўрганилиб чиқилиши лозим.

6.15. Компаниянинг молия-хўжалик фаолиятини текшириш яқунларига кўра Компаниянинг тафтиш комиссияси ҳулоса тузади, бу ҳулосада:

6.15.1. Компаниянинг ҳисоботларида ва бошқа молиявий ҳужжатларида кўрсатилган маълумотларнинг ишончлилигига доир баҳо;

6.15.2. бухгалтерия ҳисобини юритиш ва молиявий ҳисоботни тақдим этиш тартиби бузилганлиги, шунингдек молия-хўжалик фаолияти амалга оширилаётганда қонун ҳужжатлари бузилганлиги фактлари тўғрисидаги ахборот кўрсатилиши шарт.

Ушбу ҳулоса акциядорларнинг йиллик умумий йиғилишида кўриб чиқилади.

6.16. Тафтиш комиссияси томонидан текшириш (тафтиш) ўтказиш тўғрисида қарор қабул қилинганга қадар Компаниянинг молия-хўжалик фаолиятини текшириш (тафтиш) ўтказиш бўйича талабнома тақдим қилган шахслар тафтиш комиссиясини ёзма оғохлантирилган ҳолда ўзлари хоҳлаган пайтда талабномасини чақиртириб олишга ҳақли.

6.17. Тафтиш комиссияси Компанияда аффилиланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва Компания ички ҳужжатларининг бундай битимларни тузишга доир талабларига риоя қилиниши тўғрисидаги ҳулосани ҳар чоракда Компания Бошқарувчилар кенгашининг мажлисига олиб чиқади.

## **VII - бўлим.**

### **Тафтиш комиссия аъзоларига ҳақ тўлаш тартиби**

7.1. Тафтиш комиссия аъзоларига улар томонидан амалга оширилган иш ва тафтиш (текшириш) якунлари бўйича тақдим этилган ҳисоботлар (хулосалар) учун ҳақ тўланади.

7.2. Тафтиш комиссия раиси ва аъзоларига тўланаётган ҳақ миқдорини аниқлаш учун тафтиш комиссияси ишининг натижалари ва тақдим қилинган ҳисоботлари (хулосалари) асос бўлади.

7.3. Тафтиш комиссиясининг ҳар бир аъзосига тўланаётган ҳақ миқдори бир ойига энг кам иш ҳақининг 3 бараварига тенг. Ҳақ ҳар чорақ тўланади.

7.4. Агар тафтиш комиссиясининг хулосалари ҳар чорақда кузатув кенгашига киритилмаган бўлса ҳақ тўланмайди.

## **VIII - бўлим.**

### **Якуний қоидалар**

8.1. Мазкур Низом акциядорлар умумий йиғилиши томонидан тасдиқланган кундан этиборан кучга киради.

8.2. Агар мазкур Низомни бирон бир қоидаси ўз кучини йўқотган бўлса, бу қоида бошқа қоидаларни тўхтатиш учун сабаб бўлмайди.

8.3. Агар Ўзбекистон Республикасининг қонунчилик ҳужжатлари ёхуд Компания уставида мазкур Низомда назарда тутилганидан бошқача қоидалар белгиланган бўлса, Ўзбекистон Республикасининг амалдаги қонунчилик ҳужжатлари ва Компания устави қоидалари қўлланилади.